



„ჩინგური საცაბოთელა, სიმეტი ჩუნ ვაბთ ყულაბ“

# კოლხეთი

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2019 წელი • №10 • 16-31 (9458) • მაისი • 50 თეთრი

## 26 მაისი – საქართველოს დამოუკიდებლობის დღე

საქართველოს ეროვნულ-განმათავისუფლებელი მოძრაობის ლიდერს, დიდ მამულიშვილსა და საზოგადო მოღვაწეს მერაბ კოსტავას 80 წელი შეუსრულდებოდა. ამ მნიშვნელოვან თარიღს მიეძღვნა ქალაქის ცენტრალურ ბიბლიოთეკაში გამართული თემატური ღონისძიება, სადაც კიდევ ერთხელ გამოიკვეთა რომ, თანამედროვეობის გმირის ცხოვრება და მოღვაწეობა არის მაგალითი სამშობლოსათვის თავდადებისა. ჟიული შარტავას სახელობის ცენტრალურ პარკში სხვადასხვა სივრცე მოეწყო - მუნიციპალიტეტის საჯარო სკოლების მიერ ორგანიზებული ყვავილების ფესტივალი, რენვისა და გა-

### მუნიციპალიტეტის მერიამში

### 26 მაისისადმი მიძღვნილი აქტივობები

მოყვებითი ხელოვნების ოსტატთა ნამუშევრების გამოფენა, ასფალტზე და სახეზე ხატვა, აქტივობები სპორტის სხვადასხვა სახეობებში - კარატეში, მკლავჭიდში, ჭიდაობაში, ჭადრაკსა და მაგიდის ჩოგ-

ბურთში. ამფითეატრის სცენა კი სკოლამდელი აღზრდის გაერთიანების აღსაზრდელებს დაეთმო, რომელთაც ფლემპობი და სპორტული ცეკვები წარმოადგინეს. მრავალფეროვანი კულტურული და

სპორტული აქტივობების შემდეგ საზეიმოდ გაიხნა თანამედროვე სტანდარტების შესაბამისად რეაბილიტირებული ხელოვნურსაფარიანი სპორტული მინი მოედანი, სადაც საჩვენებელი მატჩი გაიმართა. გამარჯვებულ გუნდს საქართველოს ეროვნული გმირის მერაბ კოსტავას სახელობის თასი გადაეცა.



26 მაისს საქართველოს სახელმწიფოებრივი დამოუკიდებლობის გამოცხადებიდან 101-ე წლისთავისადმი მიძღვნილი ღონისძიებები ქალაქის ცენტრალურ მოედანზე სამხედრო ტექნიკის გამოფენით

### დამოუკიდებლობის 101-ე წელი

დაიწყო. აქვე მოეწყო სენაკელი მხატვრის მოსე გერსამიას ნამუშევრების გამოფენა. ამ დღისადმი მიძღვნილ ღონისძიებებს საქართველოს პარლამენტის წევრი, სენაკის მაჟორიტარი დეპუტატი ირაკლი ბერაია, სენაკის მუნიციპალიტეტის მერი ლევან კუპრეიშვილი, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, სენაკის მუნიციპალიტეტის საკრებულოს თავმჯდომარის მოადგილე ბადრი კალანდარიშვილი, საკრებულოს, მერიისა და საზოგადოების



წარმომადგენლები ესწრებოდნენ. დღიდან სპორტული აქტივობები - ველორბოლა და მარათონი გაიმართა. შემდეგ იყო

კოსტუმირებული მსვლელობა, რომლის მონაწილეებმა - ქორეოგრაფიული ანსამბლების მოცეკვავეებმა, სენაკელმა სპორტსმენებმა, ხელოვნების, მოსწავლე-ახალგაზრდობისა და კულტურის ცენტრების აღსაზრდელებმა, ზოგადსაგანმანათლებლო სკოლების მოსწავლეებმა ქალაქის ცენტრალურ ქუჩებში გადაინაცვლეს. დამოუკიდებლობის დღისადმი მიძღვნილ საზეიმო აღლუმს ადგილობრივი თვითმმართველობის და საზოგადოების წარმომადგენლები შეუერთდნენ. საზეიმო ღონისძიებები დღის ბოლომდე გაგრძელდა და გალა კონცერტით დასრულდა.



### მოდის ღამე მუზეუმში

აქციას „მოდის ღამე მუზეუმში“, რომელიც მუზეუმების საერთაშორისო დღეს მიეძღვნა, სენაკის მუნიციპალიტეტი ტრადიციულად მრავალფეროვანი ღონისძიებებით - გამოფენებით, საგანმანათლებლო პროგრამებითა და კულტურული აქტივობებით - შეუერთდა. საქართველოს განათლების, მეცნიერების, კულტურისა და სპორტის სამინისტროს, სენაკის მუნიციპალიტეტის მერიის მხარდაჭერით, მოსწავლე-ახალგაზრდობისა და კულტურის ცენტრის ორგანიზებითა და ნოქალაქევის არქოლოგიური მუზეუმის პარტნიორობით, პარმენ ზა-

ქარაიას სახელობის ნოქალაქევის არქიტექტურულ-არქეოლოგიური მუზეუმ-ნაკრძალის ტერიტორიაზე აქციის ფარგლებში გაიმართა კონცერტი სახალხო ქორეოგრაფიულ ანსამბლ „კოლხისი“, „კოლხური ტრიოს“, ვაჟთა ანსამბლის, ცენტრთან არსებული ახალგაზრდული თეატრის „ფიროსმანი“ მსახიობების, ადგილობრივი შემოქმედებითი ჯგუფებისა და ინდივიდუალური შემსრულებლების მონაწილეობით. საგანგებოდ დანთავებული კოცონი და სანახაობრივად ულამაზესი გარემო განსაკუთრებულ განწყო-

ბილებას ქმნიდა. საღამო, რომელსაც სენაკის მუნიციპალიტეტის მერი ლევან კუპრეიშვილი, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, ადგილობრივი თვითმმართველობისა და საზოგადოების წარმომადგენლები ესწრებოდნენ, ფოიერვერკით დასრულდა. აქციამ „ღამე მუზეუმში“, რომელიც საქართველოში 2011 წლიდან იმართება და მიზნად საზოგადოების ცნობიერების ამაღლებას, მუზეუმების, მასში დაცული კულტურული მემკვიდრეობის ნიმუშების ხელმისაწვდომობას ისახავს, წელს განსაკუთრებული მასშტაბები შეიძინა - აქციას 114 მუზეუმი შეუერთდა.

### მერიის სხდომათა დარბაზს უიული შარტავას სახელი მიენიჭა

26 მაისი - ერის ისტორიულ დროთა განცვეტილი კავშირის, მოშლილი სახელმწიფოებრიობის აღდგენის დღე, თვისობრივად სრულიად ახალი ეტაპის დასაწყისი საქართველოს სახელმწიფოებრივ აღმშენებლობაში. სიმბოლურია, რომ ქვეყნის ამ უმნიშვნელოვანეს დღეს, სენაკის მუნიციპალიტეტის მერიის სხდომათა დარბაზს საქართველოს ერთიანობისთვის ზვარაკად შენიშული, ღირსეული ერისკაცისა და საამაყო თანაქალაქელის ჟიული შარტავას სახელი მიენიჭა. მემორიალური დღვა სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ გრიგოლ ბალათურია, მერის მოადგილემ კახაბერ კუპრეიშვილმა გახსნეს.

სენაკის არტ ფესტივალი-2019

### ფესტივალის პირველი დღე

სენაკის მუსიკალური ფესტივალი, რომელიც სრულიად საქართველოს კათოლიკოს-პატრიარქის ილია II-ის პატრონაჟით და სენაკის მუნიციპალიტეტის მერიის მხარდაჭერით წელს მეექვსედ იმართება. 16 მაისს „სენაკის არტ-ფესტივალი 2019“, აკაკი ხორავას სახელობის სახელმწიფო დრამატულ თეატრში, ხელოვნების აკადემიის რექტორის, ნოდარ გაბუნას სახელობის პიანისტთა ეროვნული და საერთაშორისო კონკურსებისა და სენაკის არტ-ფესტივალის დამაარსებლის, მსოფლიოში აღიარებული პიანისტის ვალერიან შიუკაშვილისა და ლევანდარული გია ყანჩელის სახელობის სიმებიანი კვარტე-



ტი - თემურ ჯაიანი - ვიოლინო, ნიკა ბარათელი - ვიოლინო, მამუკა ბაბუაძე - ალტა, გიორგი იმანოვი - ჩელო - მონაწილეობით გამართული კლასიკური მუსიკის შედეგებით გაიხსნა. ფესტივალის გახსნას სენაკის მუნიციპალიტეტის მერი ლევან კუპრეიშვილი, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, ადგილობრივი თვითმმართველობის, მუსიკალური სექტორისა და საზოგადოების წარმომადგენლები დაესწრნენ.

(გაგრძელება გვ. 2)



## ეროვნული სამოსის დღე

ეროვნული სამოსის დღე სენაკში კოსტუმირებული მსვლელობით დაიწყო, რომელშიც მონაწილეობა მიიღეს ნაციონალურ, ქართულ სამოსში გამოწყობილმა, ჩვენს ქალაქში მოქმედმა ქორეოგრაფიულმა ანსამბლებმა - „კუჩხბედნიერი“, „კოლხი“, „ოცნება“, „ლილე“, „ეგრისი“, „მეკვლე“, „მართვე“, მუნიციპალიტეტის სკოლა-მშენებლის სკოლის აღსაზრდელებმა, მართლმადიდებლური სკოლა-გიმნაზიისა და საზოგადოების წარმომადგენლებმა. კოსტუმირებული აღლუმის დასრულების შემდეგ, მონაწილენი ქალაქის ცენტრალური მოედნისკენ გაემართნენ, სადაც ადგილობრივი ქორე-

ოგრაფიული ანსამბლებისა და „კოლხური ტრიოს“ მონაწილეობით საზეიმო კონცერტი გაიმართა. ეროვნული სამოსის დღე სენაკში მოსწავლე-ახალგაზრდობისა და კულტურის ცენტრის მიერ ორგანიზებულმა საღამომ დაასრულა. სამხატვრო გალერეის საგამოფენო დარბაზში წარმოდგენილი საქართველოს სხვადასხვა კუთხის სამოსი, ისტორიის გაცოცხლება ქორეოგრაფიული შტრიხებით, ხელოვანთა ნამუშევრების გამოფენა - კიდევ ერთხელ იყო შეხსენება იმისა, თუ „ვისი გორისანი ვართ“ და როგორი თავდადება გვმართებს ჩვენი ტრადიციების,

სულიერი და ეროვნული ღირებულებების დასაცავად. ეროვნული სამოსის დღისადმი მიძღვნილ ღონისძიებებს საქართველოს პარლამენტის წევრი, სენაკის მაჟორიტარი დეპუტატი ირაკლი ბერაია, სენაკის მუნიციპალიტეტის მერი ლევან კუპრეიშვილი, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი და ადგილობრივი თვითმმართველობის წარმომადგენლები დაესწრნენ. დღესასწაულმა, რომელიც საქართველოში უკვე მეოთხე წელია აღინიშნება, წელს განსაკუთრებული მასშტაბები შეიძინა. ის საქართველოს 30-ზე მეტ ქალაქში გაიმართა, მათ შორის, ეს დღე სენაკში სანახაობრივად საინტერესოდ ჩატარდა.

## გიორგი უშიკიშვილი და ანსამბლი „ლაშარელა“

20 მაისს სენაკი არტ-ფესტივალი 2019-ის ფარგლებში, რომელიც სრულიად საქართველოს კათოლიკოს-პატრიარქის ილია II-ის პატრონაჟით და მუნიციპალიტეტის მერიის მხარდაჭერით მიმდინარეობს, სენაკს საერთაშორისო ფესტივალების მრავალგზის ლაურეატი, ანსამბლ „ლაშარის“ ხელმძღვანელი, ქართული ხალხური სიმღერების უბადლო შემსრულებელი და ლოტბარი გიორგი უშიკიშვილი ბავშვთა ფოლკლორულ ანსამბლ „ლაშარელასთან“ ერთად ეწვია. შეხვედრა-კონცერტი ღია ცის ქვეშ, ხელოვნების ცენტრის სამუსიკო სკოლის მიმდებ-

არე ცენტრალურ პარკში გაიმართა. ანსამბლ „ლაშარელას“ მიერ შესრულებულ ქართულ ხალხურ სიმღერებს შორის შუალედში, გიორგი უშიკიშვილმა სამუსიკო სკოლის აღსაზრდელთა შეკითხვებს უპასუხა. მომღერალმა ისაუბრა ქართული ფოლკლორის სიღრმისეული შესწავლის მნიშვნელობაზე, ასევე, გაიხსენა საინტერესო და სახალისო ბიოგრაფიულ მომენტები საკუთარი შემოქმედებიდან. სენაკელ მსმენელთან უშუალო და მრავლისმეტყვე დიალოგის შემდეგ, მომღერალი სცენაზე ავიდა და უნიკალური ხალხური

სიმღერები შეასრულა. საღამოს დასასრულს, ტკბილხმოვანი აფხაზური და მეგრული სიმღერები მაყურებელმა „კოლხური ტრიოს“ შესრულებითაც მოისმინა. „სენაკი არტ-ფესტივალის“ დამაარსებელმა, მსოფლიოში აღიარებულმა პიანისტმა ვალერიან შიუკაშვილმა მადლობა გადაუხადა ფესტივალის საპატიო სტუმარს დაუფინანსარი საღამოსთვის, რის შემდეგაც, ფესტივალის სამახსოვრო ბანერზე, ფოლკლორული სიმღერების ცნობილმა შემსრულებელმა და ლოტბარმა, ავტოგრაფი დატოვა.

## ქალაქური სიმღერების საღამო

სენაკის მუსიკალური ფესტივალის ფარგლებში, დღეს, სენაკმა ქალაქური სიმღერების საღამოს უმასპინძლა. მაყურებლის წინაშე ყველა თაობისთვის ერთნაირად პოპულარული ანსამბლი „ფორტე“ წარდგა. ანსამბლს, რომლის უცვლელი წევრები არიან მანანა მისურაძე, ირინა კახნიაშვილი, ნინო ახოზაძე, ზურა მანჯავიძე, კონცერ-

ტმისტერი ნუცა ჯანელიძე, თითქმის სამი ათწლიანი წელია ქალაქური შედეგების უბადლო შემსრულებელთა შორის გამორჩეული ადგილი უჭირავს. შეხვედრა-კონცერტი, რომელსაც სენაკის მუნიციპალიტეტის მერი ლევან კუპრეიშვილი, მერის პირველი მოადგილე გრიგოლ ბალათურია ადგილობრივი თვითმმართველობისა და საზოგადოე-

ბის წარმომადგენლებთან ერთად დაესწრო, ღია ცის ქვეშ, ქალაქის ცენტრალურ პარკში გაიმართა. ქალაქის საპატიო სტუმრებმა სასცენო მოღვაწეობის სახალისო და საინტერესო ეპიზოდები გაიხსენეს. დასასრულს, ფესტივალის სამახსოვრო ბანერზე, ანსამბლ „ფორტეს“ წევრებმა, ტრადიციულად, ავტოგრაფები დატოვეს.

## ლექცია-შეხვედრა ცნობილ ხელოვანებთან

23 მაისს, „სენაკი არტ-ფესტივალი 2019“-ის ფარგლებში, ხელოვნების ცენტრის სამუსიკო სკოლის სულხან ცინცაძის სახელობის საკონცერტო დარბაზში, მუსიკოს ნუცა ჯანელიძესთან და მსახიობ თათული ედიშერაშვილთან ლექცია-შეხვედრა გაიმართა. შეხვედრას ფესტივალის მონაწილე პედაგოგები, ნორჩი მუსიკოსები, თვითმმართველობისა და საზოგადოების წარმომადგენლები ესწრებოდნენ. გულახდილი დიალოგის რეჟიმში მიმდინარე შეხვედრაზე, ფესტივალის საპატიო სტუმრები მსმენელებს სა-

კუთარ შემოქმედებასა და ქართული სიმღერის სწავლების საქმეში მდიდარ პედაგოგიურ გამოცდილებაზე ესაუბრნენ. მოუსმინეს ახალგაზრდა მომღერლების შესრულებას და რეკომენდაციები გასცეს. დასასრულს, „სენაკი არტ-ფესტივალის“ დამაარსებელმა, მსოფლიოში აღიარებულმა პიანისტმა ვალერიან შიუკაშვილმა, სტუმრებს პროფესიული სრულყოფის კუთხით ჩატარებული მასტერკლასისთვის მადლობა გადაუხადა.

სახელობის ბათუმის სამუსიკო სკოლის გოგონათა გუნდს, ზუგდიდის მუნიციპალიტეტის სამუსიკო სკოლის მოსწავლეს, მევილინე ნინო ჭანიას, ზესტაფონის მუნიციპალიტეტის ხელოვნების სკოლის მოსწავლეს, ნორჩ მომღერალ ინა სადუნიშვილს, ქუთაისის მესამე სამუსიკო სკოლის მოსწავლეს, კლარნეტისტი ნიკოლოზ გონგაძეს მიენიჭათ. სხვა მონაწილენი კი ხელოვნების აკადემიის საპატიო დიპლომებითა და სიგელებით დაჯილდოვდნენ. „არტ-ფესტი 2019“, რომელიც სრულიად საქართველოს კათოლიკოს-პატრიარქის ილია II-ის პატრონაჟით და სენაკის მუნიციპალიტეტის მერიის მხარდაჭერით წელს მეექვსედ გაიმართა, ავთანდილ გოგოტიშვილის სახელობის სენაკის ხელოვნების ცენტრის სამუსიკო სკოლის გაერთიანებულმა გუნდმა - სოლისტი ანა ქეცბაია, ფესტივალის ერთგვარ ჰიმნად ქცეული ვაჟა აზარაშვილის „მუსიკით“, დაასრულა.

## ფესტივალის სამეიმო დახურვა

დღეს, სენაკის მუსიკალური ფესტივალი გალა-კონცერტით საზეიმოდ დაიხურა. ღია ცის ქვეშ, ქალაქის ცენტრალურ პარკში გამართულ საღამოზე მონაწილეობა ხელოვნების აკადემიის დასავლეთ საქართველოს VI რეგიონალური მუსიკალური ფესტივალის წარმატებულმა ახალგაზრდა მუსიკოსებმა მიიღეს. ფესტივალის ლაურეატთა და დიპლომანტთა დაჯილდოებისა და „სენაკის არტ-ფესტივის“ დახურვის ცერემონია, რომელსაც ხელოვნების ცენტრის სამუსიკო სკოლის კოორდინატორი, ღვანლმოსილი პედაგოგი რუსუდან მილიუტინი უძღვებოდა, სენაკის მუნიციპალიტეტის მერი ლევან კუპრეიშვილი, მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, თვითმმართველობის, მუსიკალური სექტორისა და საზოგადოების წარმომადგენლები ესწრებოდნენ. „სენაკის არტ-ფესტივალის“ დამაარსებელმა, ხელოვნების აკადემიის რექტორმა, მსოფლიოში აღიარებულმა პიანისტმა, სენაკის საპატიო

მოქალაქემ ვალერიან შიუკაშვილმა ხელოვნების აკადემიის მადლობის სიგელები გადასცა მუნიციპალიტეტის მერს ლევან კუპრეიშვილს, მერიის განათლების, კულტურის, სპორტისა და ახალგაზრდობის სამსახურის უფროსს გივი მისაბიშვილს, ხელოვნების ცენტრის დირექტორს ვეფხვია ვეფხვაძეს, მოსწავლე-ახალგაზრდობისა და კულტურის ცენტრის დირექტორს ლევან უჩანეიშვილს, საზოგადოებრივი მომსახურების ცენტრის დირექტორს ბადრი მამულიას და ყველა იმ ადამიანს, ვინც ფესტივალის ორგანიზებაში თავისი მოკრძალებული წვლილი შეიტანა. ფესტივალის ფარგლებში, კომპეტენტურმა ჟიურიმ იმერეთის, სამეგრელოს, გურიის, აჭარის სამუსიკო და სახელოვნებო სკოლების 3000-ზე მეტ მოსწავლეს მოუსმინა, რომელთაგან ლაურეატის ნოდება სენაკის მუნიციპალიტეტის ხელოვნების ცენტრის სამუსიკო სკოლის გიტარისტა კვარტეტს, ბაღდათის მუნიციპალიტეტის სამუსიკო სკოლის მევილინეთა ანსამბლს, რევაზ ლაღიძის

სახელობის ბათუმის სამუსიკო სკოლის გოგონათა გუნდს, ზუგდიდის მუნიციპალიტეტის სამუსიკო სკოლის მოსწავლეს, მევილინე ნინო ჭანიას, ზესტაფონის მუნიციპალიტეტის ხელოვნების სკოლის მოსწავლეს, ნორჩ მომღერალ ინა სადუნიშვილს, ქუთაისის მესამე სამუსიკო სკოლის მოსწავლეს, კლარნეტისტი ნიკოლოზ გონგაძეს მიენიჭათ. სხვა მონაწილენი კი ხელოვნების აკადემიის საპატიო დიპლომებითა და სიგელებით დაჯილდოვდნენ. „არტ-ფესტი 2019“, რომელიც სრულიად საქართველოს კათოლიკოს-პატრიარქის ილია II-ის პატრონაჟით და სენაკის მუნიციპალიტეტის მერიის მხარდაჭერით წელს მეექვსედ გაიმართა, ავთანდილ გოგოტიშვილის სახელობის სენაკის ხელოვნების ცენტრის სამუსიკო სკოლის გაერთიანებულმა გუნდმა - სოლისტი ანა ქეცბაია, ფესტივალის ერთგვარ ჰიმნად ქცეული ვაჟა აზარაშვილის „მუსიკით“, დაასრულა.

**მუნიციპალიტეტის მერიის  
საზოგადოებასთან  
შუთიერთობის და ინფორმაციუ-  
ლი უზრუნველყოფის  
ბანყოფილება**



# ქვემარტივი მამულიშვილი



საქციო საზოგადოება „არქეოპოლისი“-ს თანამშრომლები უდიდესი სიყვარულითა და პატივისცემით ვულოცავთ დაბადების დღეს ჩვენს სახელოვან თავკაცს, უსაყვარლეს პიროვნებას, გამორჩეულ ერისკაცს და უღალატო მეგობარს – ბატონ დემურ გადელიას!

„ქვირ-ობლების გამკითხავი, ქველმოქმედი, უპოვართა და უბედოთა დამპყრებელი, ქართული ზნეობისა და ტრადიციების დამფასებელი, ლაკადური მხრობითი მონათლული, არქეოპოლისისა და ძველი ციხე-კოშკების გუშაგი და მეციხოვნე“-ასე შეაფასა რამდენიმე წლის წინათ სულმნათმა პოეტმა გენო კალანდიამ, ამაგდარი პიროვნების – დემურ გადელიას ღვაწლი და დამსახურება, რომელსაც სამოქალაქო ომის ავადმოსაგონარ დღეებშიც არ დაუთმია პოზიცია.

კრიმინოგენურმა დაჯგუფებებმა, მთელს საქართველოში მოთარეშე ბანდებმა, როგორ არ სცადეს მისი მოდერეკა, დაშინება, განადგურება, ბოლოს გაიტაცეს და მძიმედ დაჭრეს კიდეც, მაგრამ მშობლიური სანარმო არ მიუტოვებია და მანაც განაგრძობდა მუშაობას, გვამხნეებდა, გვაიმედებდა, მთელ კოლექტივს.

ჭირსა და ლხინში თანადგომა და ერთგულება ხომ მისი თანდაყოლილი მახასიათებელია.

განუზომელია დემურ გადელიას ღვაწლი და ძალისხმევა. მთელი მისი განვლილი გზა შესანიშნავი მაგალითია

იმისა, თუ როგორ უნდა იღვანოს ადამიანმა თავისი ხალხის კეთილდღეობისათვის.

ბატონმა დემურმა, როგორც წარმოების ნიჭიერმა ორგანიზატორმა და აღიარებულმა ქველმოქმედმა, ორი მონვევის მაჟორიტარმა დეპუტატმა და მეცნიერმა, მრავალი საინტერესო ნიგნისა და მონოგრაფიის ავტორმა, ქვეყანაში რეგიონალური ეკონომიკის წარმატებულმა მკვლევარმა, ორგანიზაციისა და წმინდა ნიკოლოზის ორდენის კავალერმა, საქართველოს მრავალგზის საპატიო და დამსახურებულმა მეგზვემ, სენაკის და ზუგდიდის საპატიო მოქალაქემ და სხვა მრავალი სახელოვანი რეგალიების მფლობელმა, დაუღალავი შრომითა და საოცრად მაღალი პროფესიონალიზმით დაიმსახურა საზოგადოების პატივისცემა და ღირსეულად დამკვიდრა საზოგადო მოღვაწისა და ერისკაცის საპატიო ადგილი.

დემურ გადელია მთელი თავისი სიცოცხლის არსებით, მრწამსით, ფიქრით, პრაქტიკით, მშენებელი კაცია, მისი ბედნიერება შენებაა, სწორედ ასეთი კაცების მხრებზე დგას ჩვენი ქვეყანა. მან იცის გამარჯვების ფასი, სწამს და სჯერა ადამიანების. ვერ ეგუება უგულო, უქნარა, პიროვნებებს. ქვემარტივად უსიხსლავს ცხოვრებას ანიჭებს უპირატესობას და სხვანაირად არ შეუძლია. ყოველივე ეს სათავეს იღებს ცხოვრების იმ სტილიდან, რომელიც გამეფებული იყო გადელიების მრავალრიცხოვან ოჯახში, სადაც ჩამოყალიბდა მისი მებრძოლი სული, პიროვნული სიძლიერე და სისპეტაკე, შრომისმოყვარეობა.

დემურ გადელია არის ის პიროვნება, რომელმაც ნულიდან დაიწყო, შექმნა და ჩამოაყალიბა ქვეყანაში ერთ-ერთი უმძლავრესი სამშენებლო კომპანია, რომელიც დღეს ისტორიული არქეოპოლისის სახელს ატარებს და წარმატებულია ქვეყნის მასშტაბით.

ბატონ დემურ გადელიას და „არქეოპოლისის“ სახელთანა დაკავშირებული დახვეწილი საქართველოში საავტომობილო გზების, ხიდების მშენებლობა

– რეაბილიტაციის არაერთი მნიშვნელოვანი პროექტების განხორციელება თანამედროვე სტანდარტებისა და ტექნოლოგიების დონეზე, და „თეთრ სიაში“ მყარად დაკვიდრდება.

გვეამაყება, რომ ჩვენც ამ სახელოვანი სანარმოს კოლექტივს წარმოვადგენთ და ერთად ვიღვწით მისი აღმშენებლობისათვის.

საოცარია, როგორ ახერხებთ ამდენი სიტბოსა და სიყვარულის გაცემას, ბატონო დემურ!

ვინ მოთვლის, რამდენ ადამიანს გაუმართეთ ხელი, რამდენს გაუკვალეთ გზა ცხოვრებაში.. სოციალურად დაუცველი ადამიანები, ინვალიდები, ავადმყოფები, უმწეო დევნილები, პედაგოგები, მზრუნველობამოკლებული ბავშვები, ნიჭიერი, შემოქმედი ახალგაზრდები, სპორტსმენები, ხელმოკლე სტუდენტები, გარდაცვლილთა უმწეო ოჯახები. სტიქიით და და ხანძრის დაზარალებულები, ეკლესია-მონასტრები... იყო და არის თქვენი უმთავრესი საზრუნავი

თქვენნაირი ადამიანები იმისთვის იბადებიან, რომ სიხარული აჩუქონ სხვებს, ცხოვრება გაუღამაზონ, დარდი შეუმსუბუქონ.

გმადლობთ ყველაფრისათვის: თანაგრძობისათვის, თანადგომისათვის, ერთგულებისათვის, გმადლობთ იმისათვის, რომ თქვენი არსებობით მრავალადამიანს ცხოვრებას უადვილებთ. ძალიან გვიყვარხართ, გვეამაყება თქვენი თანამშრომლობა და თქვენს გვერდით ყოფნა.

საქმე რომელსაც თქვენ უძღვებით, საშვილიშვილოა, რადგან ეს ყველას სჭირდება, რომ ამ გზებით მომავლის საქართველოსკენ მისი გამთლიანებისა და გაძლიერებისკენ მივაბიჯებთ.

კიდევ ერთხელ გილოცავთ თქვენი ცხოვრების ღვაწლს და გამორჩეულ დღეს, ბედნიერება და სიხარული არ მოუშალოს ღმერთმა თქვენს ოჯახს, შვილებს, შვილიშვილებსა და ახლობლებს.

გვინდა გამოვთქვათ რწმენა, რომ თქვენ მომავალშიც სახელოვნად იღვანებთ ქვეყნის საკეთილდღეოდ.

მხნედ და დიდხანს გვეყოლეთ!

**სიყვარულითა და პატივისცემით  
თქვენი თანამშრომლები**

# კოლხეთი!

დემურ გადელია-ადამიანი, რომელიც სახელოვნად ცხოვრობს და ნელგამართულად, ამაყად დააბიჯებს ამ ნუთისოფელში.

როგორც რაიონულ, ასევე რეგიონალურ და რესპუბლიკურ ბეჭდურ მედიაში მრავალი წერილია გამოქვეყნებული მის სადეპუტატო მოღვაწეობაზე, ორგანიზატორულ ნიჭზე, პიროვნულ თვისებებზე, ქველმოქმედებაზე, გულმონყალებაზე, სიკეთეზე. იგი დღემდე რჩება გაზეთ „კოლხეთის“ საპატიო რესპონდენტად. მდიდარი ბიოგრაფიის და მრავალწლიანი გამოცდილების მქონე პიროვნება არც საბავშვო გაზეთთან თანამშრომლობას „თაკილობს“. ერთერთ ინტერვიუში გულახდილად ისაუბრა თავის ბავშვობაზე და შემდგომ წლებში ბავშვებისთვის განეულ ქველმოქმედებაზე.

ამჯერად, ყოველგვარი ჟურნალისტური „ფერუმარლის“ გარეშე, ადამიანური გულწრფელობით ვულოცავთ მას დაბადების დღეს, ვუსურვებთ დღეგრძელობას, ფუძის სიძლიერეს.

დაე, შვილიშვილები – ბაბუას მოსახელე დემური და პატარა იოანე გაიზარდონ გვარის სახელოვან ვაჟკაცებად, არ მოკლებოდეთ მათ გზა-სავალს უფლის წყალობა, მშობლების ლოცვა-კურთხევა. დიდხანს იყოს დემურ გადელია ქართული ტრადიციული ოჯახის თავკაცად, სამედიო მამად და ბაბუად, საგვარეულოს ფესვმაგარ მესაძირკვედ.

ბატონო დემურ, კვლავაც მრავალი ასპექტით წარმოჩენას გისურვებთ თქვენს მრავალმხრივ მოღვაწეობაში.

**ბაჰათ „კოლხეთის“ რედაქცია**

# ბატონო დემურ!

თქვენ, თქვენი ცხოვრების სტილით, მრწამსით, კონკრეტული საქმეებით, ქველმოქმედებით, ორგანიზატორული ნიჭით ემსახურებით ადამიანთა კეთილდღეობას.

ასაკი ადამიანებისათვის სიმდიდრეც არის და სიმადლეც. შრომაში, ძიებაში, შენებაში შეძენილი წლებით შთამომავლობას უჩვენეთ მაგალითი იმისა, თუ როგორ უნდა მოიპოვოს ადამიანმა სიცოცხლეშივე აღიარება.

გილოცავთ დაბადების დღეს, გისურვებთ ულევ სიხარულს, მოყვასის სიმრავლეს. შეგწინით თქვენს მიერ აშენებული ტაძრების მადლი.

კვლავ ნელგამართულმა იარეთ ქართულ მინაზე. იდეგრძელებთ მრავალ ათეულ წელს თქვენს ღვაწლს ოჯახთან ერთად.

**ბული პირცხალია, დარეჟან დავითიანი**

# კვალი – საშვილიშვილოდ ხილული

ზოგის კვალი უჩინარია ამქვეყნად, ზოგის კი საშვილიშვილოდ ხილული. ბედნიერებაა, როცა შენი სიცოცხლით კვალს დატოვებ, გამოადგები შენს ქვეყანას, შენს ხალხს.

სიცოცხლით რომ გამოადგე სამშობლოს, დემურ გადელიასავით თავდაუზოგავად უნდა შრომობდე, აშენებდე, ქმნიდე, სიყვარულით იხარჯებოდდე.

ბატონ დემურ გადელიას სახელი ყველამ იცის. როდესაც ამ პიროვნებაზე წერ, არ იცი საიდან დაიწყო. უპირველესად ყურადღება მის სიმტკიცეზე, სიმხნევეზე, შრომისმოყვარეობაზე, ერთგულებაზე, ქველმოქმედებაზე, განათლებაზე, ჭკუით და ნიჭით განვლილ ცხოვრებაზე უნდა ვაამახვილო.

დემურ გადელიას ყველა ეცოდება, იცის რა ძნელია... როცა გიჭირს და არ გაქვს...

ვინ იცის, რამდენ გაუსაძლის გასაჭირში მყოფი ოჯახისათვის გაუწვდი ხელი, რამდენი ნიჭიერი ახალგაზრდა დაუფინანსებია, მისი ყურადღების მიღმა არასოდეს დარჩენილან დევნილები, ომის ვეტერანები, ქალაქისა და სოფლის მცხოვრებლები.

„ცუდას რად უნდა მტერობა, კარგია მუდამ მტრიანი“-უთქვამს ვაჟას. თქვენ წარმოიდგინეთ თურმე მასაც ჰყავს მტერი, მაგრამ ცუდის მდომით მუდამ სიკეთეს უპირისპირებს, მაღლით გასხივონებული მიდის სიმადლეებისაკენ.

თავად ნიგნიერი და განათლებული პატივის სცემს განათლებას და კულტურას, ეხმარება სოფლის კულტურის მუშაკებს კულტურულ-საგანმანათლებლო დაწესებულებების მატერიალურ-ტექნიკური ბაზის გაუმჯობესებაში.

ამ დღეებში ძველი სენაკის არნოლდ ჩიქობავას სახელობის საჯარო სკოლის მეტორმეტეკლასელებს გამოსაშვები სადამო-სათვის მოუწყო ძველი სენაკის კულტურის სახლი. სააქციო საზოგადოება „არქეოპოლისის“ ძალეებით 150 კვ.მეტრზე დაიგო ბეტონის საფარი.

დაუსრულებლად შეიძლება ისაუბრო ბატონ დემურ გადელიას გაკეთებულ საქმეებზე, საქართველოს პარლამენტის ორგზის დეპუტატად არჩევის პერიოდში მოსახლეობისათვის მოგვარებულ პრობლემებზე, ეკლესია-მონასტრებისათვის გაცემულ შესანიშნავ, ქალაქის თუ რეგიონის მასშტაბით

აშენებულ გზებზე, ხიდებზე, გალავნებზე.

ბატონო დემურ, ძველი სენაკის კულტურის დარგის მუშაკების, მოსწავლე-ახალგაზრდობის და თითოეული მცხოვრების სახელით მადლობას გიხდით ქველმოქმედებისათვის, არაერთი ინფრასტრუქტურული პრობლემის მოგვარებისათვის.

აქვე მინდა ვისარგებლო ექსკლუზიური უფლებით და მოგილოცოთ დაბადების დღე. დიდი ხნის ჯანმრთელ სიცოცხლეს და წარმატებებს გისურვებთ.

დაიხ, თქვენ დიდხანს უნდა იცოცხლოთ, კიდევ ბევრი სიკეთის კეთება მოასწოროთ, კიდევ ბევრი ააშენოთ და დაამშვენოთ.

წარმატებული დღეები მოგმადლოთ უფალმა.

**ნელი ჯანაყალია, ძველი სენაკის თემის მცხოვრებლების სახელით**

# ღვანულმოსილი

შეხვედრა მოუწევს II ნოსირის ბიბლიოთეკაში. შეხვედრას ესწრებოდა სოფლის მოსახლეობა, მოსწავლე-ახალგაზრდობა, ძველი სენაკის სკოლის დირექტორი ვ.ჯანჯღავა, ამავე სკოლის პედაგოგიური კორპუსის წარმომადგენელი ილო კუპრე-იშვილი, მოსწავლე –ახალგაზრდობისა და კულტურის ცენტრის დირექტორი ბატონი ლევან უჩანეთიშვილი, მთავარი სპეციალისტი ნათია ევგობია. ქალბატონი გულის განვლილ გზაზე ისაუბრა ბიბლიოთეკარმა ნელი ჯანჯღავამ, უსურვა ხანგრძლივი სიცოცხლე და ჯანმრთელობა.

გული კირცხალისა გულთბილი სიტყვებით მიმართეს II ნოსირის პედაგოგებ-

მა: დარეჯან კიკალიშვილი, ნინო ჯიმ-შელიშვილი, სოფლის მაცხოვრებლებმა, გულნაზ კობახიძემ, ია ჭიჭაძემ, რომა და ირაკლი კირცხალიებმა, მურთაზი კერძაიას ოჯახმა, თამთა კერძაიამ და სხვებმა.

ემოციით იყო დატვირთული მეოთხე კურსის სტუდენტის მონიკა კერძაიას მიმართვა: „შენ გვასწავლე ლექსები, მხატვრული კითხვა, სიმღერა, გვიყვარხარ“

ქალბატონმა მარინე აბრამიამ ნიგნი „ფარაჯიანი ჯარისკაცები“ და ნითელი ვარდები უსახსოვრა ქალბატონ გულის.

საინტერესო ღონისძიებას კორდინირებას უწევდა ძველი სენაკის კულტურის სახლის ნიჭიერი კოორდინატორი ქალბ-

ტონი ვენერა ხახუბია და მეორე ნოსირის კულტურის სახლის კოორდინატორი რევაზ ჩილაჩავა. სცენაზე ერთმანეთს ენაცვლენ ბოდნენ ძველი სენაკის სკოლის ნიჭიერი მოსწავლეები, რომლებმაც ნაიკითხეს ქალბატონი გული კირცხალის ლექსები.

სიტყვით გამომსვლელებმა მადლობა გადაუხადეს ქალბატონ ვენერა ხახუბიას, მოსწავლეებს, ბიბლიოთეკარ ნელი ჯანჯღავას საინტერესო ღონისძიების მოწყობისათვის. გამომსვლელებმა ისურვეს ასეთ ღვანლმოსილ ადამიანებთან შეხვედრა ხშირად ჩატარდეს, რათა მომავალმა თაობამ არ დაივიწყოს ასეთი და ისწავლოს მათ მაგალითზე.

**ნინო ჯიმშელია, II ნოსირის სკოლის პედაგოგი**

# სილაქაზე გადაარჩინს სამყაროს

18 მაისი მუზეუმების საერთაშორისო დღეა. წელს აღნიშნული თარიღის მთავარი თემა იყო „მუზეუმები როგორც კულტურული ჰაბები – ტრადიციის მომავალი.“

კვირეულის ფარგლებში, 16 მაისს, ხალხმრავლობა იყო მუზეუმში, სადაც თავი მოიყარეს რაიონის საზოგადოების წარმომადგენლებმა, კულტურის სფეროს მუშაკებმა, ახალგაზრდობამ.

აღნიშნულ დღესთან დაკავშირებით, მუზეუმის საგამოფენო სივრცეში, გა-

მადლობა გადაუხადა დამსწრე საზოგადოებას თანადგომისთვის. ჩატარებული ღონისძიების ლამაზი ჩანაფიქრისა და მისი ლამაზად განხორციელებისათვის, აღნიშნა ნანა ფირცხალავას დამსახურება. მხარდაჭერისათვის მადლობა გადაუხადა ლევან უჩანეიშვილს, თანადგომისათვის – მამუკა კუჭავასა და ლაშა გვასალიას. ამასთან მუზეუმის კოლექტივს გადაეცა საქართველოს ეროვნული გმირის ყოფილი შარტავას დის, ქალბატონ

ტუკეაძემ, მარიამ ნადარიაძემ, ანა კემულარიამ, ომარ დამენიამ და გიორგი ნაჭყებიაძემ წარმოადგინეს საუკეთესოდ შესრულებული რეფერატები და გააკეთეს საინტერესო პრეზენტაციები. მათ ერთმანეთს გაუზიარეს მსოფლიოს მუზეუმების: პრადოს, პერგამონის, ლუერის, ერმიტაჟისა და მეტროპოლიტენის ხელოვნების მუზეუმების დაარსების ისტორია და ისაუბრეს იქ დაცულ ცალეულ ექსპონატებზე. პრეზენტატორებმა გასცეს პასუხი აუდიტორიის მიერ დასმულ შეკითხვებზე. კონფერენციის მუშაობა შეაჯამა სკოლის სახვითი ხელოვნების პედაგოგმა მამუკა კუჭავამ მანვე გამოთქვა სურვილი სამომავლოდ ახალგაზრდების მიერ ესოდენ პრესტიჟული მუზეუმების ხილვისა.

\*\*\*

მუზეუმების საერთაშორისო დღისადმი მიძღვნილი კვირეულის ფარგლებში 17 მაისს მუზეუმში გაიხსნა გამოყენებითი ხელოვნების ნიმუშების გამოფენა, სადაც წარმოდგენილი იქნა ქალბატონების ირმა კუპრეიშვილისა და მერი სულაბერიძის მიერ შექმნილი ხელნაკეთი ნივთები(გულსაბნევეები, სა-



იხსნა მსოფლიოს უდიდესი მხატვრების ნამუშევრების რეპროდუქციების გამოფენა. წარმოდგენილი იყო ლეონარდო და ვინჩის, რაფაელის, რემბრანტის, კარავაჯოს, ჯორჯონეს, ტიცინის, რუბენსისა და სხვათა ცნობილი ტილოების რეპროდუქციები. რომელთა ორიგინალები ინახება დრეზდენის ნაციონალურ გალერეასა (გერმანია) და ერმიტაჟში (რუსეთი).

გამოფენის სლოგანი იყო „სილამაზე გადაარჩინს სამყაროს“

გამოფენაზე წარმოდგენილი იყო, როგორც ბიბლიურ-მითოლოგიურ თემაზე შექმნილი ნამუშევრები, ასევე პორტრეტები, ნატურმორტი, პეიზაჟი, ჟანრული კომპოზიციები.

ღონისძიებას უძღვებოდა ყოფილი შარტავას მუზეუმის მეცნერ-მუშაკი ნანა ფირცხალავა.

გამოფენის ირგვლივ თავიანთი აზრი გამოთქვეს არქიტექტორმა ზაზა ჟანჯღავამ და მხატვარმა ემილ გეგენავამ.

პირველი საჯარო სკოლის გერმანული ენის პედაგოგმა ქალბატონმა ნინო კორშიამ გაიხსენა სტუდენტობისას დრეზდენის სურათების გალერეის დათვალიერებისას მიღებული შთაბეჭდილებები.

ყოფილი შარტავას მუზეუმის სპეციალისტმა – მარინე აბრამიამ მიმოიხილა რაიონის სამუზეუმო ცხოვრების წარსული, გაიხსენა დასაქმებული მუშაკები. მიულოცა მუზეუმის თანამშრომლებს პროფესიული დღე.

ციხანა შარტავას თბილი მილოცვები.

მუზეუმის კოლექტივის მიერ განეული მნიშვნელოვანი საქმიანობისთვის მადლობის სიტყვები არ დაიშურეს ქალ-



ბატონებმა გული კირცხალიამ და ლეილა გაბესკირიამ, ბატონებმა ბორის დავითაიამ და დიმა ქარჩავამ.

ღონისძიების დასასრულს, მუზეუმში შეკრებილთ სიტყვით მიმართა, მუზეუმის თანამშრომლებს პროფესიული დღე მიულოცა და მომავალი წარმატებები უსურვა მოსწავლე-ახალგაზრდობისა და კულტურის ცენტრის დირექტორმა ბატონმა ლევან უჩანეიშვილმა.

\*\*\*

მუზეუმების საერთაშორისო დღისადმი მიძღვნილი კვირეულის ფარგლებში 15 მაისს პირველი საჯარო სკოლის მეშვიდე კლასში (დამრიგებელი ელიკო ხარებავა) ჩატარდა საკლასო კონფერენცია თემაზე „მუზეუმები“. მოსწავლეებმა: ნათია

## სკორტი

### ბერძნულ-რომაული ჭიდაობა

2019 წლის 13 - 15 მაისს ოზურგეთში ჩატარდა საქართველოს სპორტის დამსახურებული მოღვაწის, შაქრო ტულუშის და იური ხომერიკის ხსოვნისადმი მიძღვნილი ტურნირი ბერძნულ-რომაულ ჭიდაობაში 2008-2010 წლებში დაბადებულ ჭაბუკებს შორის.

ტურნირში მონაწილეობდნენ სენაკის სასპორტო გაერთიანების, სასპორტო სკოლის მოჭიდავეები. გიორგი ქვარცხავამ (38კგ) და ლუკა გერგაიამ (41კგ) მოიპოვეს პირველი ადგილი.

ვულოცავთ მოჭიდავეებს და მათ მწვრთნელს: რამაზ კოკაიას გამარჯვებას.



## ძიუდო

2019 წლის 11-12 მაისს ბოლნისში, ჩატარდა დავით ნავერიაშვილის ხსოვნისადმი მიძღვნილი მე-5 საერთაშორისო ტურნირი ძიუდოში.

ტურნირში წარმატებით იასპარეზეს, სენაკის სასპორტო გაერთიანების, სასპორტო სკოლის ძიუდოისტებმა და დაიკავეს შემდეგი ადგილები: ალექსი გულუამ (27 კგ.წ/კ.) – I ადგილი, ალექსი გულუა (30 კგ.წ/კ.) – II ადგილი, საბა კანკავამ (21 კგ.წ/კ.) და ვახო ჩოჩიამ (50 კგ.წ/კ.) –III ადგილი.

წარმატებებს ვუსურვებთ ძიუდოისტებს და მათ მწვრთნელებს: უჩა ჯღარკავას და გელა ხარბედიას



\*\*\*

2019 წლის 8 მაისს ქ.თბილისში ჩატარდა, საქართველოს ჩემპიონატი ვეტერანებს შორის ძიუდოში, რომელშიც მონაწილეობდნენ 30 წელს გადაცილებული სპორტსმენები. სენაკის სასპორტო გაერთიანების, სასპორტო სკოლის ძიუდოს მწვრთნელ-მასწავლებელმა ელგუჯა გვასალიამ დაიკავა მეორე ადგილი (90კგ. წ/კ.)

ვულოცავთ ვეტერან ძიუდოისტს გამარჯვებას და ვუსურვებთ წარმატებებს შემდეგ ეტაპებზე.



## კრივი



სენაკის სასპორტო გაერთიანების, სასპორტო სკოლის მოკრივე, საქართველოს ჩემპიონი ლუკა წულეისკირი (38კგ) საქართველოს მოსწავლე მოკრივეთა ნაკრებთან ერთად იმყოფება ერთობლივ ს.ს. შეკრებასა და ამხანაგურ შეხვედრაში მონაწილეობის მისაღებად ქ. მინსკში, ბელორუსიაში.

ეს შეკრება არის ერთ-ერთი მოსამზადებელი ეტაპი ევროპის ჩემპიონატისთვის, რომელიც პირველად საქართველოს კრივის ისტორიაში გაიმართება ქ.თბილისში 2-12 აგვისტოს.

წარმატებებს ვუსურვებთ ლუკას და მის მწვრთნელებს: გიორგი კემულარიას და ილია ცაავას.

ირინა გაგუა,

სენაკის სასპორტო გაერთიანების საზოგადოებასთან ურთიერთობის სპეციალისტი

სარედაქციო კოლეგია  
მთავარი რედაქტორი ნინო სარტიანი  
რედაქტორი მამია ბაღატიანი  
კორესპონდენტები: მანია ბერბაია, მარიკა მიქაბერიძე  
ეკონომიკური სამსახურის სპეციალისტი შუშანიკა ჩანჭიბია

რედაქციის მისამართი:  
სენაკი, ჭავჭავაძის ქ. № 103 ტელ: 276150  
რედაქცია ხელმძღვანელობს თავისუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს.  
ინდექსი 66529

რეგისტრირებულია სენაკის სასამართლოში  
რეგისტრაციის № 56/7-17  
გაზეთი აოგნიბარუა აიფო, დაბადრონდა და ოფსაბური ნაწილი დაბადრონდა შპს „სოფლი 26“  
ქ. ჩათაისი, ილია ჯავახიძის გამზ. 33.  
ბელ: 223779; 223711; 223499.